

## Transkription von Urkunde HST 1369b

Ort, Datierung: Stralsund, 1369-11-26

Signatur: Stadtarchiv Hansestadt Stralsund, StU 0448 [\[online\]](#)

Inhalt: Wartzlaf tho Stetyn: Rentenverkauf

Bemerkung: anderes Datum: 05.06.1369

Jn godes namen amen Wy wartzlaf vn(de) buggezlaf brödere de Jünggeren van der / gnade ghodes hertoghen tho stetyn Der wenden Der Cassuben vn(de) vorste(n) tho Rūyen / Bekennen yn desser scrift openbare vn(de) betūghen Dat wi mit Rade vnser trūwe(n) / Ratgheuen hebben vorsettet vnde vor laten vnde laten yn desser yeghe(n)wordyghe(n) / scrift Deme Erbaren manne he(re)n bertram wlfiam ene(n) borghermest(er)e thome stra=/lessunde vnde synen Rechten erfnamen Drūthtigh mark gheldes yn vnser bede / yn den Dorpen tho garlepowe vnde tho Ruddeuitze böuen de twyntyich mark / gheldes de se hebben yn den suluen dorpen De vnse vedd(er)e vnde ik h(er)toghe Wart=/zlaf vorben(omede) en beseghelt hebbe(n) alle yar tho sunte mertens daghe vphoborende / sunder yenegherleye hinder edder wedderstal vor drehundert mark sundescher / pe(n)nynge De se vns gūtliken ghelegghen hebben tho vnser vengnisse tho helpe des=/se vorbenomede(n) drūtlich mark gheldes scholen se hebbe(n) mit alleme Rechte mit / deme hoghesten vnde mit deme sidesten vn(de) dar bouene de mūntepe(n)ninge / dar sulues also vry alse wi De suluen Renthe vn(de) mūntepennynge mid aller / nud in den sulue(n) vorben(omeden) Dorpen ghehat hebbe(n) Dese vorbe(omede) Renthe moghe / wi wedder losen v(m)me De vor(benomede) su(m)me des gheldes Dat desse dyng stede vn(de) / vast gheholden werden Dat löue wi hertoghe wartzlaf vn(de) buggezlaf vorben(omede) / he(re)n bertram vn(de) synen erfname(n) yn desser scrift Tho ener högh(er)en bewarynge / desser stücke so hebbe wi vnse Jngheseghele laten henghen an dessen bref / De is ghe gheuen thome stralessunde Na ghodes bord drūtteynhundert yar / yn deme neghen vn(de) sostighesten<sup>1</sup> yare des neghesten daghes sunte katheri=/ne(n) Der hilghe(n) yunkvrowen thūghe desser dyng synt de erlike lude her /wedegho buggenh(agen)? marschalk her engelke manduuel kamerrest(er) her hinr(ik) / van yasmūnde kokemester her albrecht van helpte Ridde(re) her hinr(ik) schele / h(er) johan wreen borghermeste(re) tome sūnde vn(de) vele meer guder lude delō/uen wert syn

---

<sup>1</sup> Datum in der Urkunde unterstrichen